

1768 680

LE
CHANGEMENT
d'Estat sur la Majorité
du Roy.

PRESENTE A SA MAIESTE,
avant son Auguste Sacre & Couronnement.



M. DC. LI.

LE
CHANGEMENT
d'Etat sur la Majorité
du Roy.

PRESENTE A SA MAJESTE
par les deux Chambres de Parlement.



M. DC. LI.



**LE CHANGEMENT d'ESTAT SVR LA
MAJORITE' DV ROY.**

*présenté à sa Majesté auant son auant son
Auguste Sacre & Couronnement.*



IRE,

Cette mesme plume qui a eu l'honneur d'offrir
les premieres productions à vostre Enfance Royale,
continuë les vœux & les tres-humbles devoirs à
cette haute & puissante Majesté qui fait trembler
tout l'Vniuers, & en deuancant les momens d'un
Sacre, Couronnement & Majorité, ie veux tes-
moigner aux siecles aduenir, que ceux qui ont
beaucoup de zele, ne se contentent pas dans les
preuues vulgaires, puis que i'entreprends l'expres-
sion du mien à la veue d'une Cour splendide & à
un siecle poly & delicat, sans me rebutter par l'i-
gnorence de mon sexe & la rusticité d'une Vila-
geoise à qui la mauuaise fortune & son extreme
fidelité ont seruy de Precepteurs & Conseillers.

pour la conduite de ces mouuemens hardis & extraordinaires qu'elle donne au public sans apprehension de censure, & comme vostre heureuse naissance redonne la santé à mon corps, affoibly par vne fièvre de tres longue durée, & que vostre aduenement à la Couronne me comblera de felicité & de ioye; il faut que i'aduouë que cette Majorité reuerée des peuples, encherit sur tout ce qu'on peut conceuoir de doux, de grand, precieux & admirable, & ie m' imagine SIRE, que vous ne ferez pas plustost l'oint du Seigneur, que V. M. ne soit aussi la paix de toutes nos dissentions, le calme de nos orages, & l'adoucisement de nos amertumes. Cette sacrée Onction communiquera des lumieres tres pures à vostre Conseil, & marquera si parfaictement les desmarches Royales que nous benirons sans cesse des ordres si eclairez, GRAND ROY, les actions naturelles & les infirmités sont toutes semblables des Souuerains & de leurs Sujets, mais par cette diuine Onction & les vertus de vostre ame, vous estes separé du reste des hommes, & quoy que ce soit par la main des hommes que V. M. est sacrée, ils ne vous donnent que la forme & l'intention, puis que cette diuine liqueur est descenduë d'en haut en faueur de vos predecesseurs en la personne d'un infidelle desabusé, mais à cest heure que c'est pour vn Roy donné de Dieu Chrestien & de bonnaire, il est à presupposer que sa vertu apportera de si grandes benedictions

à la Monarchie que nous deuons tafcher d'en mériter la grace, SIRE, les armes de France font le Symbole de la pureté, & V. M. doit estre si efpurée des vices, qu'il faut qu'elle eftabliſſe l'vſage & les habitudes de la vertu par l'authorité de la ſienne, & lors qu'il ny aura plus de Gouverneur qui oſe parler, ce ſera à ſes actions heroïques de regler l'impertinence & le deſordre de ceux qui n'agiſſent que par brutalité ou complaiſance ridicule, SIRE, les imperfections du corps ont reſpecté le Sang Royal, Dieu vous a fait naiſtre, doüé de toutes les graces & les agreémens qu'un mortel peut poſſéder, il ne reſte plus que de remplir ce parfait eſprit des eſpeces pieuſes & exemplaires d'un Monarque incomparable, & en prenant connoiſſance & ſentiment des liberalitez du tout puiffant en faueur de V. M. vous ferez retentir dans l'eſtendue de vos Eſtats, les louanges de ſon nom & la protection de ſa parole, c'eſt auſſi la baſe & le fondement d'un edifice durable & d'un regne triomphant avec la compaſſion des affligez qui inuoquent voſtre indulgence de meſme que vous attendez la miſericorde diuine, SIRE, les Roys ſont les peres des peuples, vous leur deucz grace, affection & iuſtice, & ils vous doiuent amour, fidelité & obcyſſance, ces relations chreſtiennement, reſpectueuſement obſeruées ſont le bon-heur de la Monarchie, la terreur de vos ennemis, le repos de vos Sujets & la gloire de voſtre diadeſme, & j'oſe dire qu'il y a plus d'auantage de

regner dans les cœurs que sur les Throsnes, le Roy des Roys ne demande que nos volonte, parce que par l'amour on donne tout sans repugnance. Il est vray SIRE, qu'il ne fut iamais de domination plus chere que celle que V. M. a sur nous, & celuy qui manque de submission à vos loix est où doit estre l'horreur de toutes les ames bien nées, tous les bons François prient de bon cœur, que le Ciel vous enuoye autant de prosperitez qu'ils forment des vœux pour la conseruation de V. M. Il n'est pas mesme de meschant qui dispute des deuoirs si iustes & agreables? mais grand Monarque, il faut s'il vous plaist que vostre bonté regarde nos peines avec sentiment, & qu'elle oste à leur rigueur l'obstination d'une cruauté insupportable, qu'elle soulage le pauvre dans ces souffrances affreuses & qu'elle apprenne aux puissances inferieures la pratique de la charité & nos douleurs soulagées vous en receurez la recompense icy bas & là haut, & vostre autorite bien-aymée aura les Hierarchies celestes pour protectrices de son estat & de ces prosperitez, il est vray grand Roy, que les Hyuers n'aient plus de Frimas pour incommoder vos Sujets, les vents des ambitieux seront arrestez par le moindre souffle de vos mouuemens, & vostre nom très auguste sera la terreur des temeraires & mal affectionnez? ô Prince inuincible de qui la presence majestueuse comprend tous les biens de la Monarchie, & qui donne le prix & l'esclat aux plus beaux de nos objets, respandez

vos faueurs sur les esprits dediez à vostre gloire, & precipitez les orgueilleux du faiste de leur ambition dans les abysses d'une priuation necessaire, il ny a pas moins d'auantage à la ruine des peruers qu'à la protection de l'innocence & de la probité, c'est l'honneur de vostre Sceptre que la recompense & la punition, tous les deux sont affectez à la Royauté estant les effets de sa puissance, les Docteurs tiennent que le Prince est la loy animée, & que la iustice est vne vertu, grandeur de courage, & vne ferme & constante volonté de rendre à chacun ce qui est sien, S. Mathieu en son Euangile nous fait voir vn pere de famille qui salarie les ouuriers de la vigne par l'ordre de leurs traualx & de la iustice. SIRE, V. M. doit obseruer ceux qui la seruent & distribuer à leur vertu les honneurs & les biens qu'elle merite, lors que les hommes illustres languissent dans la nonchalance & le mépris de leur valeur, les Roys en ont le blasme comme estant les plus legitimes appuys de la vertu, & les plus glorieuses mains pour en couronner les ceures, & il faut tousiours se souuenir que de quelques graces que le Seigneur comble les grands, il se reterue le pouuoir du chastiment s'ils mes-vlent de ces faueurs, si bien que c'est a cette premiere cause qu'il faut demander secours & assistance pour regner avec seureté, inuoquer son S. Esprit pour reconnoistre le bon d'avec le mauuais, ce discernement estant vn don de Dieu & vne marque infailible de ces lumieres, Salomon exhorte les Roys d'aymer la iustice

8
& de l'exercer sans cesse, & comme ils sont l'image
de Dieu ils doiuent à son exemple agir avec poids &
parfaite iustice, SIRE, la grandeur des Romains
monta à vn tel point qu'ils subiuguerent la plus
grande partie du monde, & les trois pilotis qui sou-
stenoient cette autorité, estoit vne industrie admi-
rable qui les occupoit tousiours chez eux sans sortir
par faineantise pour aller s'indiquer les actions d'au-
truy, tres bons ménagers & sobres dans leur vie,
modestes en habits, meubles & possessions, sans am-
bition ny auarice, leurs loix & ordonnances estoient
iustes, & qui deffendoient toute animosité & discorde,
apres cela il ny auoit ny cabale ny intrigue dange-
reuse, si nous estions instruits à vne eschole de cette
force, c'est sans doute qu'il y auroit moins de trou-
bles dans nostre commerce, les profusions en seroit
banies, le murmure & la vanité, l'artisan ny la co-
quette ne se mesleroit pas de parler des affaires d'Estat
le Religieux se tiendroit dans la cellule, & le Mar-
chand à son trafic, mais SIRE, ie me persuade que
cette chere Majorité guerira ces intemperies de cer-
ueau & de bile, & V. M. ayant atteint la perfection
de son pouuoir elle fera si hautement railonner ces
mots de Souueraineté, *car tel est nostre plaisir*, que
personne n'osera s'elcarter de ces deuoirs, vn Roy
absolu c'est vne deité vi- ble qui attire les cœurs &
les respects des moins dependans. Je suis vestu de
pourpre de iust ce disoit Iob & couronné de iuste
iugement, c'est à dire qu'un Roy peut tout ce qu'il
veut

veut, mais qu'il ne doit vouloir que ce qui est iuste. La poutre marque de Royauté doit estre conduite par la iustice & par la clemence. Voicy cette tres-heureuse raison que nous pouuons dire avec le Prophete, le temps viendra que le Roy regnera en iustice & iuste iugement, ce ne sera plus avec vne voix enfantine que V. M. s'expliquera, les organes sont fortifiées, & le Seigneur a deuanté le temps d'une sagesse accomplie, vous ferez ce grand Roy remply de l'esprit de Dieu, qui rendrez à vos sujets des iugements equitables, sans faueur ny exception de personne. SIRE, la prouidence diuine a estably les pouuoirs subordinez des hommes sur les hommes, & a commandé l'obeyssance aux inferieurs sur peine d'encourir son indignation, c'est ce que S. Paul nous assure, lors qu'il dit que toute personne soit sujette à la haute puissance, car elle est ordonnée de Dieu, & nul ne peut resister à loinct du Seigneur sans encourir malheur & malediction. Nous lisons que Salomon n'eut pas le don de sapience qu'apres qu'il fut Roy, Saül ne chanta pas non plus les loüanges de Dieu avec les Prophetes qu'apres son sacre, & Cayphe vn des Euesques de la Loy, quoy qu'il fut meschant & ennemy de Dieu, par ce qu'il auoit Onction sacrée, il prophetisa la mort du Sauueur. SIRE, V. M. n'aura pas des moindres faueurs apres vostre Sacre que les autres qui vous ont deuanté, les maux incurables seront gueris & ce ne seront pas seulement les elcroüelles qui trouueront le remede par

vostre main Royale & victorieuse , ce seront les
 douleurs de l'ame de mesme que celle du corps , cette
 sacrée Onction restablira l'heur & la joye parmy vos
 Sujets & en chassera les desordres qui se sont esleuez
 pendant vostre Minorité , & cette cause permanente
 tiendra V. M. dans sa stabilité autant qu'une crea-
 ture le peut estre dans le temps & ces vicissitudes , &
 quoy que Dieu seul , vn estre pur & immuable , il
 faut aduoüer que tous les changemens procedent
 de luy comme du premier mobile qui fait tout mou-
 uoir sans alteration de volonté ny de puissance. Iob
 dit , que les Roys sont tousiours armez & parez ,
 qu'ils portent sur leurs espaules tout le fardeau de la
 Monarchie , que tout s'esmeut par leurs ordres &
 deliberations , mais que Dieu veut que tout soit con-
 duit en paix & amour , c'est aussi cette paix amou-
 reuse qui est l'ame de nos tranquillitez , mais pour en
 iouïr plainement , il faut que toute creature sçache
 ce qu'elle doit à Dieu , au Souuerain & à soy mesme ,
 cette suprefme sagesse a estably l'ordre par tout , & à
 commencer au plus bas de la terre , & montant de
 degré en degré iusques aux éléments , enfin nous
 trouuerons que tout se termine en Dieu qui est le
 terme & le centre de toutes choses , & que sa prou-
 dence veut que nous soyons soumis à ceux qu'elle a
 esleus pour nous gouverner. SIRE , V. M. est vn
 astre brillant qui tire ces lumieres de cest vnique So-
 leil de iustice pere & principe de toutes les produ-
 ctions créés , & c'est à sa bonté & à sa iustice que vous

deuez adjouster toutes vos pensées comme au seul
 objet qui les peut rendre douces, excellentes & me-
 ritoires, le Ciel s'esmeut sans cesse pour la conserua-
 tion des choses sublunaires, & vostre Majesté doit
 agir continuellement pour le bien de ces Sujets, c'est
 ce que Dieu exige de vous comme il verse abondam-
 ment ces graces sur vostre sacrée personne, qu'il vous
 a rendu le plus grand Roy de l'Europe, & qu'il vous
 fera regner glorieusement & avec autant de felicitez
 & de benedictions que ie vous en souhaite en qualité

SIRE,

De vostre Majesté,

Le très-humble & très obéyssant seruiteur & sujet,
 D. S.

Chez Jean Brunet, rue neuve sainte Anne au Palais proche le Dauphin.

